

四庫全書

子部

欽定四庫全書

子部
管子補注卷一

詳校官中書

臣徐志晉

編修臣倉聖脈覆勘

總校官知縣

臣繆琪

校對官編修

臣楊壽楠

謄錄監生

臣戴埏

欽定四庫全書

子部三

管子補註

法家類

提要

臣等謹案管子補註二十四卷明劉績撰績字用熙號蘆泉江夏人弘治庚戌進士官至鎮江府知府管子舊注本或稱房玄齡或稱尹知章宋張嶠跋其後曰管子書多古字如專作搏忒作資宥作侑况作兄釋作澤此類

甚衆大匡載召忽語曰雖得天下吾不生也
兄與我齊國之政也注乃謂召忽呼管仲為
兄曰澤命不渝注乃以為恩澤之命不可徧
舉黃震曰抄曰管子注釋最多抵牾四傷之
篇誤名百匿而以四傷名七法之篇幼官篇
首章云若因夜虛守靜人物則皇其後方之
圖本可覆也乃衍人物二字不知參對乃以
夜虛為句守靜人物為句而曲為之說曰聽

候人物也幼官五圖以形生理為句而中央
之注獨以形生屬上文明法篇以比周以相
匿為句而下又云是故忘生死交其後方之
明法解可覆也乃以相為匿是為句而曲為
之說曰匿公是而不行也五法之章曰天下
不患無財患無人以分之分如分地之利之
分乃釋云可以分與財者賢人也立政之章
曰道塗無行禽指人言之謂其為能行之禽

耳乃釋云無禽獸之行版法篇云悅在施愛
有衆在廢私今因缺文而云悅在施有衆在
廢私不成文矣云云其挾摘皆中理績本之
以作是注故於舊解頗有匡正皆附於玄齡
原注之後以績按別之雖其循文詮解於訓
詁亦罕所考訂而推求意義務求明愜較原
注所得則已多矣案明有兩劉績一為山陰
人字孟熙千頃堂書目載此書於劉績名下

注江夏人則為字用熙者無疑坊刻或題曰
宋劉績者誤也乾隆四十六年九月恭校上

總纂官

臣紀昀

陸錫熊

臣孫士毅

總校官

臣陸

費

墀

墀

欽定四庫全書

管子補注卷一

明 劉績 撰

牧民第一

國頌 四維 四順
士經 六親 五法

經言一

凡有地牧民者務在四時

四時所以生
成萬物也

守在倉廩

食者
人之

天國多財則遠者來地舉辟則民留處

舉盡也言地盡
闕則人留而安

居處

倉廩實則知禮節衣食足則知榮辱上服度則六

親固

服行也上行禮度則六親各
得其所故能感恩而結固也

四維張則君令行故

省刑之要在禁文巧

文巧者刑罰所由生

守國之度在飾四維順

民之經在明鬼神祇山川

鬼神山川皆有尊卑之序故敬明之

敬宗廟恭

祖舊

謂恭承先祖之舊法

不務天時則財不生不務地利則倉廩

不盈野蕪曠則民乃管

管當為姦

上無量則民乃妄文巧不

禁則民乃淫不璋兩原則刑乃繁

璋當為章明也兩原謂妄之原上無量也

淫之原不禁文巧也能明此法者則刑簡

不明鬼神則陋民不悟

不悟鬼神有尊卑之

異也不祇山川則威令不聞

言能登封降禪祇祀山川威令遠聞

不敬宗廟

則民乃上校

校效也君無所尊人亦效之

不恭祖舊則孝悌不備四

維不張國乃滅亡

右國頌

頌容也謂陳為國之形容

國有四維一維絕則傾二維絕則危三維絕則覆四維絕則滅傾可正也危可安也覆可起也滅不可復錯也

何謂四維一曰禮二曰義三曰廉四曰恥禮不踰節義

不自進

自進謂不由薦舉也

廉不蔽惡

隱蔽其惡非貞廉也

恥不從枉

詭隨邪枉

無羞之人故不踰節則上位安不自進則民無巧詐不蔽惡

則行自全不從枉則邪事不生

右四維

○績按維綱炤之綱所以張之者此四者所以立國故曰維

政之所興在順民心政之所廢在逆民心民惡憂勞我

佚樂之民惡貧賤我富貴之民惡危墜我存安之民惡

滅絕我生育之能佚樂之則民為之憂勞

君於平康能佚樂人及其

危人必為之憂勞下三順皆然

能富貴之則民為之貧賤能存安之則

民為之危墜能生育之則民為之滅絕故刑罰不足以

畏其意殺戮不足以服其心

畏意服心在於順其所欲不在刑罰殺戮

故刑

罰繁而意不恐則令不行矣殺戮衆而心不服則上位

危矣故從其四欲則遠者自親行其四惡則近者叛之

故知予之為取者政之寶也

謂與之生全取其死難也
○績按予謂佚樂富貴存

安生育也取謂憂勞
貧賤危墜滅絕也

右四順

錯國於不傾之地積於不涸之倉

涸竭也

藏於不竭之府

下令於流水之原使民於不爭之官明必死之路開必
得之門不為不可成不求不可得不處不可久不行不
可復錯國於不傾之地者授有德也積於不涸之倉者

務五穀也藏於不竭之府者養桑麻育六畜也下令於流水之原者令順民心也使民於不爭之官者使各為其所長也

各長其所長則順而悅故不爭也○績按長短之長謂使之各盡其才能所長不限量

之則各得所故不爭

明必死之路者嚴刑罰也開必得之門者信

慶賞也不為不可成者量民力也不求不可得者不彊

民以其所惡也不處不可久者不偷取一世也

謂所處必可使

百代常行

不行不可復者不欺其民也

復重也欺民之事不可重行也

故授

有德則國安務五穀則食足養桑麻育六畜則民富令

順民心則威令行使民各為其所長則用備嚴刑罰則民遠邪信慶賞則民輕難量民力則事無不成不彊民以其所惡則詐偽不生不偷取一世則民無怨心不欺其民則下親其上

右士經

士事也經常也謂陳事之可以常行者也

以家為鄉鄉不可為也

言有家之親斥以為鄉之疎必生怨故不可為也下三事同此

以鄉為國國不可為也以國為天下天下不可為也以

家為家

一親也

以鄉為鄉

二親也

以國為國

三親也

以天下為

天下

也四親

母曰不同生遠者不聽

謂家也言有家之親而謂之曰不與汝同

家而生用此以相疎遠者必不聽下同此

母曰不同鄉遠者不行母曰不同

國遠者不從如地如天何私何親

也五親

如日如月唯君

之節

六親也天地日月取其耀臨言人君親下當如天地日月之無私也○績按鄉大於家言以為家者

為鄉則鄉必不治等而上之皆然故才有大小而治亦隨大小也故治天下者不拘於同家同鄉同國而量如

天地日月無私然後能治天下也

御民之轡在上之所貴

言人從上之所貴若馬之

轡道民之門在上之所先

上所先行人必行之其從之若由門矣

名民之

路在上之所好惡故君求之則臣得之

君將求之臣已先索得之也○

績按指所貴

君嗜之則臣食之

○績按指所先

君好之則臣服之君

惡之則臣匿之

一法也○績按指好惡

毋蔽汝惡毋異汝度

汝君也

賢者將不汝助言室滿室言堂滿堂是謂聖王

二法也言堂室

事而令滿取其露見不隱也○績按室在內堂在外人君在內言於室在外言於堂皆非私曲隱匿克滿堂室

使人人皆知之無所蔽異也

城郭溝渠不足以固守兵甲彊力不足

以應敵博地多財不足以有衆

言城郭兵甲博地不足以固守應敵有衆其固

守應敵有衆更在有道者也

唯有道者能備患於未形也故禍不萌

也三法

天下不患無臣患無君以使之天下不患無財患

無人以分之

可以分與財者賢人也

故知時者可立以為長無私

者可置以為政審於時而察於用而能備官者可奉以

為君也

四法也

緩者後於事先於財者失所親信小人者

失士

五法也

右六親五法

形勢第二

自天地以及萬物闢諸人事莫不有形勢焉夫勢必因形而立故形端者勢必

直狀危者勢必傾觸類莫不然可以一隅而反○績按此註多非當依後形勢解自明

經言二

山高而不崩則祈羊至矣淵深而不涸則沈玉極矣

至極

也山不崩淵不涸興雨之祥故
羊玉而祈祭烹羊以祭故曰祈羊

天不變其常地不易其

則春秋冬夏不更其節古今一也

今之天地即古
之天地今之四

時即古之四時
故曰古今一也

蛟龍得水而神可立也虎豹託幽而

威可載也

至德處盛位天
下可平載行也

風雨無鄉而怨怒不及也

鄉方

也既無方所故
無從而怨怒也

貴有以行令賤有以忘卑

貴而行令令
乃行賤而忘

卑卑壽夭貧富無徒歸也

皆有理
在焉

銜命者君之尊也

受辭者名之運也

言受君之辭以出命則名必運運行也
○績按受辭謂君出言順理而民受之

無異也名運謂名聲彰於四方也

上無事而民自試

試用也

抱蜀不言而

廟堂既修

抱持也蜀祠器也君人者但抱祠器以身率導雖復靜然不言廟堂之政既以脩理矣

鴻鵠鏘鏘唯民歌之

感德化也

濟濟多士殷民化之紂之失

也

戒紂之失故化文王

飛蓬之問不在所賓燕雀之集道行不顧

蓬飛因風動搖不定喻二三之聲問明主所不賓敬燕爵翔集事之常細也故行道之人忽而不顧謂小事非

大人所知

犧牲圭璧不足以享鬼神

鬼神享德不在圭璧

主功有素

寶幣奚為

主能立功可謂有素有素則諸侯不敢犯寶玉幣帛何所為乎

羿之道非射

也造父之術非馭也奚仲之巧非斲削也

羿之射貴其肆武服戎不

在其落鳥中鵠造父之馭貴其軍容致遠不在轍迹偏天下也奚仲之巧貴其大車以載不在斷削成光鑑也○績按三子技名世必有所以致之非在弓矢操轡斷削之末

召遠者使無為馬親近

者言無事馬唯夜行者獨有之也

遠使無為所以優遠方也親於近者貴於

思厚不在於虛言夜行謂陰行其德則人不與之爭故獨有之也

平原之隰奚有於高

言平隰之澤雖有小封不成於高喻人有大失小善不成其美隰下澤也

大山之隈奚有於

深隈山曲也言山既大矣雖有小隈不成為深喻人有高行雖有小過非不肖也

些言衡言之人勿

與任大

些言毀賢衡與惡也如此之人任之則亂天下也

譙臣者可與遠舉

言行

莫先謂之譙臣有大言行者可與致道

顧憂謂忠事勤

臣道有如此者可致於道者也○績按顧憂謂慮後患也

其計也速而憂在近者往

而勿召也

小人之計得之雖速禍敗尋至則憂及之此人親近推之令去不須召也

舉長者

可遠見者也

舉用長利衆皆見之故曰遠見○績按舉長則所見不止一方一時

裁大者

衆之所比也

裁斷也能斷大事衆必比之

美人之懷定服而勿厭也

欲令人貴美而懷歸者須安定服行道德勿有疵厭

必得之事不足賴也必諾之

言不足信也

言人於事莫為疑動言必得應諾如此虛誕者耳不足賴信也○績按二句釋

皆非觀

小謹者不大立飲食者不肥體

言人無弘量但有小謹不

能大立也養惡言惡食之人憂嬾致瘠故有無棄之言

不能肥體○績按養疾移切嬾食而多惡

者必參之於天地也

言無可棄動為法則若天地地墜之無不容載故曰參之天地

岸三仞人之所大難也而猿猱飲焉故曰伐矜好專舉

事之禍也

猿遇墜岸而能飲喻智者逢禍而能息也○績按解作蝮蝮古字同喻使人器之不求備

也伐矜好專舉事之禍謂自用則小不行其野不違其

馬馬有識道之性不違馬而自得塗喻未經其事問其所經○績按喻養民於無事時能予而無

取者天地之配也

天地施生不求所報與而不取可以配天地也○績按言以一人養天下

不以天下養一人也怠倦者不及倦怠之人觸塗廢滯故多不及無廣者疑神神

者在內不及者在門

無得以已及不及疑神不神神雖無形常在於內故曰在內也不及

外見故曰

在內者將假在門者將待

將假謂神將借已也待謂須自厲以

待○績按言人解情者不能及時成事故曰不及操要者忽然成事故曰疑神若能審內外能立操要之神則解情不及者亦從

曙戒勿怠後穉逢殃

每曙而戒所以戒此日之事以

待也曙戒戒勿為倦怠也朝忘其事夕失其功邪氣襲內正色乃衰

君不君則臣不臣父不父則子不子上失其位則下踰

其節上下不和令乃不行衣冠不整則賓者不肅進退

無儀則政令不行且懷且威則君道備矣莫樂之則莫

哀之

常能樂人及其有難人必哀之也

莫生之則莫死之

常能生人及其有危人必

死之往者不至來者不極

此往情不至則彼來意不極也

道之所言者一

也而用之者異

道之所言其理本一但用之不同其事遂異也

有聞道而好為

家者一家之人也

雖聞道但好理家此但一家之人耳言無廣遠

有聞道而好

為鄉者一鄉之人也有聞道而好為國者一國之人也

有聞道而好為天下者天下之人也

此亦仁者見之謂之仁智者見之謂

之智也

有聞道而好定萬物者天下之配也

此則君子道體斯道也

往者其人莫來道來者其人莫往道之所設身之化也

道者均彼我忘是非故無來往之體然道所設身必與之化也○績按道往莫來道來莫往謂人從上之所好

持滿者與天安危者與人失天之度雖滿必涸上下不

和雖安必危

能持滿者則與天合能安危者則與人合不合於天雖滿必涸不合於人雖安必危

欲王天下而失天之道天下不可得而王也得天之道

其事若自然失天之道雖立不安其道既得莫知其為

之其功既成莫知其釋之藏之無形天之道也疑今者

察之古不知來者視之往萬事之生也異趣而同歸古

今一也生棟覆屋怨怒不及弱子下瓦慈母操筆

言人生

棟造舍雖至覆屋但自咎而已不敢怨及他人至弱子下瓦所損不多慈母便操筆而怒之喻人主過由已作

雖大而吞聲過發他
人雖小而振怒也

天道之極遠者自親

天道平分遠近無二故遠

者自
親也
人事之起近親造怨

人事則愛惡相攻故有近親造怨也○績按出於理曰天

道出於欲

萬物之於人也無私近也無私遠也

動物則有識而

無知植物則有生而無識故於人也無私遠近

巧者有餘而拙者不足

萬物無私

於人故巧者用之有餘拙者用之不足

其功順天者天助之其功逆天者

天違之天之所助雖小必大天之所違雖成必敗順天

者有其功逆天者懷其凶不可復振也烏鳥之狡雖善

不親

狡謂猜也言烏鳥之性多猜初雖相善後終不親○績按當依解作烏集之交

不重之結

雖固必解道之用也貴其重也母與不可母彊不能母

告不知與不可彊不能告不知謂之勞而無功見與之

交幾於不親

見謂不忘而恃之與親與也

見哀之役幾於不結

役而哀之

雖有惻然見而不忘故彼不結也○績按當依解作見愛之交

見施之德幾於不報

雖有

恩施之德然見而不忘故彼不報也

四方所歸心行者也

心行能不見則四方歸之

獨王

之國勞而多禍

獨王謂無四隣之援也○績按當依解作獨任之國

獨國之君卑

而不威自媒之女醜而不信未之見而親焉可以往矣

未見而親親必無終故可往矣

久而不忘焉可以來矣日月不明天不

易也山高而不見地不易也

日月無不明假令不明是
天有雲氣而不易也山高

無不見假令不見是
地多險阻不平易也

言而不可復者君不言也行而不

可再者君不行也

謂臣有忠言不可復言者則由君不
言故也臣有善行不可再行者則由

君不行故也○續
按註非觀解自明

凡言而不可復行而不可再者有國

者之大禁也

權修第三

權者所以知輕重也君人者必知
事之輕重然後國可為故須修權

經言三

萬乘之國兵不可以無主

無所主則無
所統一也

土地博大野不

可以無吏

無吏則不厲於壑閭

百姓殷衆官不可以無長

無長則無所稟

命操民之命朝不可以無政地博而國貧者野不辟也

民衆而兵弱者民無取也

兵無主故無所取則

故末產不禁則野

不辟賞罰不信則民無取野不辟民無取外不可以應

敵內不可以固守故曰有萬乘之號而無千乘之用而

求權之無輕不可得也

國號萬乘及其兵用不滿於千乘如此者權必自輕也

地辟而國貧者舟輿飾臺榭廣也賞罰信而兵弱者輕用衆使民勞也舟車飾臺榭廣則賦歛厚矣輕用衆使

民勞則民力竭矣賦歛厚則下怨上矣民力竭則令不行矣下怨上令不行而求敵之勿謀已不可得也

欲為天下者必重用其國欲為其國者必重用其民欲

為其民者必重盡其民力

重為矜惜之也

無以畜之則往而不

可止也

往謂亡去也

無以牧之則處而不可使也

人雖留處無畜牧之

道故不可使也

遠人至而不去則有以畜之也民衆而可一則

有以牧之也

見其可也喜之有徵

徵驗也必有恩錫以驗之見喜無空然矣

見其不可也

惡之有刑賞罰信於其所見雖其所不見其敢為之乎
所見之處賞罰既信則所不見懼而從教不敢為非見其可也喜之無微見其不
可也惡之無刑賞罰不信於其所見而求其所不見之
為之化不可得也

厚愛利足以親之明智禮足以教之上身服以先之

服行

也凡所欲教人在上必身自行之所以率先於下也

審度量以閑之

所以防閑其姦偽也鄉

置師以說道之然后申之以憲令勸之以慶賞振之以

刑罰

振整也

故百姓皆說為善則暴亂之行無由至矣

地之生財有時民之用力有倦而人君之欲無窮以有

時與有倦養無窮之君而度量不生於其間

度量不生則賦役無

限也則上下相疾也

上疾下之不供下疾上之無窮

是以臣有殺其君子有

殺其父者矣故取於民有度用之有止國雖小必安
取於民無度用之不止國雖大必危地之不辟者非吾
之地也民之不牧者非吾民也

凡牧民者以其所積者食之不可不審也其積多者其
食多其積寡者其食寡無積者不食或有積而不食

者則民離上有積多而食寡者則民不力有積寡而食多者則民多詐有無積而徒食者則民偷幸故離上不力多詐偷幸舉事不成應敵不用故曰察能授官班祿賜予使民之機也

野與市爭民

民務本業則野與市爭民

家與府爭貨

下務藏積則家與府爭貨

金

與粟爭貴

所實惟穀故金與粟爭貴

鄉與朝爭治

官各務其職故鄉與朝爭治

故

野不積草農事先也府不積貨藏於民也市不成肆家用足也朝不合衆鄉分治也故野不積草府不積貨市

不成肆朝不合衆治之至也

人情不二故民情可得而御也審其所好惡則其長短

可知也觀其交游則其賢不肖可察也二者不失則民

能可得而官也

二者謂好惡交游也

地之守在城城之守在兵兵

之守在人人之守在粟故地不辟則城不固有身不治

奚待於人

待謂將治之言身既不能自治則無以治人也

有人不治奚待於家

有家不治奚待於鄉有鄉不治奚待於國有國不治奚

待於天下天下者國之本也國者鄉之本也鄉者家之

本也家者人之本也人者身之本也身者治之本也故
上不好本事則末產不禁末產不禁則民緩於時事而
輕地利輕地利而求田野之辟倉廩之實不可得也

商賈在朝則貨財上流

若桓靈之賣官也

婦言人事則賞罰不

信

婦者所以職其蚕織此之不為輒言人事婦人之性險詖故賞罰不信矣

男女無別則民

無廉恥貨財上流賞罰不信民無廉恥而求百姓之安
難兵士之死節不可得也

朝廷不肅貴賤不明長幼不分度量不審衣服無等上

下凌節而求百姓之尊主政令不可得也

上好詐謀間欺臣下

間隔也有所隔礙而欺誑也

賦歛競得使民偷

一偷

取一時之快

則百姓疾怨而求下之親上不可得也

有地不務本事

謂農本事

君國不能一民而求宗廟社稷之

無危不可得也

上恃龜筮好用巫醫則鬼神驟崇故功之不立名之不

章為之患者三

苟功不立名不章必為三患下獨王貧賤日不足是也

有獨王者

謂無

黨也有貧賤者有日不足者

有日不足之費也

一年之計莫如樹

穀十年之計莫如樹木終身之計莫如樹人

樹人謂濟我而立之

一樹一穫者穀也一樹十穫者木也

果木過十年漸就枯悴故曰十穫也

一樹百穫者人也

人有百年之壽雖使無百年子孫亦有嗣之而報德者故曰百穫也

我

苟種之如神用之

一種百穫近識者莫能測其由故曰如神用也

舉事如神唯

王之門

王者貴神道設教也

凡牧民者使士無邪行女無淫事士無邪行教也女無淫事訓也教訓成俗而刑罰省數也凡牧民者欲民之正也欲民之正則微邪不可不禁也微邪者大邪之所

生也微邪不禁而求大邪之無傷國不可得也凡牧民者欲民之有禮也欲民之有禮則小禮不可不謹也小禮不謹於國而求百姓之行大禮不可得也凡牧民者欲民之有義也欲民之有義則小義不可不行也小義不行於國而求百姓之行大義不可得也凡牧民者欲民之有廉也欲民之有廉則小廉不可不修也小廉不修於國而求百姓之行大廉不可得也凡牧民者欲民之有恥也欲民之有恥則小恥不可不飾也小恥不飾

於國而求百姓之行大恥不可得也凡牧民者欲民之修小禮行小義飾小廉謹小恥禁微邪此厲民之道也民之修小禮行小義飾小廉謹小恥禁微邪治之本也凡牧民者欲民之可御也欲民之可御則法不可不審法者將立朝廷者也將立朝廷者則爵服不可不貴也爵服加於不義則民賤其爵服民賤其爵服則人主不尊人主不尊則令不行矣法者將用民力者也將用民力者則祿賞不可不重也祿賞加于無功則民輕其祿

賞民輕其祿賞則上無以勸民上無以勸民則令不行
矣法者將用民能者也將用民能者則授官不可不審
也授官不審則民間其治民間其治則理不上通理不
上通則下怨其上下怨其上則令不行矣法者將用民
之死命者也用民之死命者則刑罰不可不審也刑罰
不審則有辟就有辟就有辟就則殺不辜而赦有罪殺不辜而
赦有罪則國不免於賊臣矣故夫爵服賤祿賞輕民間
其治賊臣首難此謂敗國之教也

立政第四

三本
省官

四固
服制

五事
九敗

首憲
七觀

首事

經言四

國之所以治亂者三殺戮刑罰不足用也

三謂三本也
謂治亂法各

有三國之所以安危者四城郭險阻不足守也

四謂四固國

之所以富貧者五輕稅租薄賦歛不足恃也

五謂五事治國

有三本而安國有四固而富國有五事五事五經也

三自

本已上
總其目

君之所審者三一曰德不當其位二曰功不當其祿三

曰能不當其官此三本者治亂之原也故國有德義未
明於朝者則不可加于尊位功力未見於國者則不可
授以重祿臨事不信於民者則不可使任大官故德厚
而位卑者謂之過德薄而位尊者謂之失寧過於君子
而毋失於小人過於君子其為怨淺失於小人其為禍
深是故國有德義未明於朝而處尊位者則良臣不進
有功力未見於國而有重祿者則勞臣不勸有臨事不
信於民而任大官者則材臣不用三本者審則下不敢

求三本者不審則邪臣上通而便辟制威如此則明塞於上而治壅於下正道捐棄而邪事日長三本者審則便辟無威於國道塗無行禽無禽獸之行疏遠無敵獄孤寡無隱治故曰刑省治寡朝不合衆

右三本

君之所慎者四一曰大德不至仁不可以授國柄德雖大而

仁不至或包藏禍心故不可授國柄

二曰見賢不能讓不可與尊位三曰

罰避親貴不可使主兵四曰不好本事不務地利而輕

賦歛不可與都邑此四務者安危之本也故曰卿相不得衆國之危也大臣不和同國之危也兵主不足畏國之危也民不懷其產國之危也故大德至仁則操國得衆見賢能讓則大臣和同罰不避親貴則威行於鄰敵好本事務地利重賦歛則民懷其產

右四固

君之所務者五一曰山澤不救於火草木不殖成國之貧也二曰溝瀆不遂於隘郵水不安其藏國之貧也三

曰桑麻不殖於野五穀不宜其地國之貧也四曰六畜
不育於家瓜瓞葷菜百果不備具國之貧也五曰工事
競於刻鏤女事繁於文章國之貧也故曰山澤救於火
草木殖成國之富也溝瀆遂於隘障水安其藏國之富
也桑麻殖於野五穀宜其地國之富也六畜育於家瓜
瓞葷菜百果備具國之富也工事無刻鏤女事無文章
國之富也

右五事

分國以為五鄉鄉為之師分鄉以為五州州為之長分州以為十里里為之尉分里以為十游游為之宗十家為什五家為伍什伍皆有長焉築障塞匿匿一道路博

出入審閭閨慎筦鍵筦藏于里尉置閭有司以時開閉

閭有司觀出入者以復于里尉復凡出入不時衣服不

中閭屬羊豕之類也羣徒衆作役也不順於常者閭有司見之復

無時若在長家子弟臣妾屬役賓客則里尉以譙于游

宗游宗以譙于什伍什伍以譙于長家譙敬而勿復既譙

能敬而從命無事
可白則是教令行

一再則宥三則不赦凡孝悌忠信賢

良雋材若在長家子弟臣妾屬役賓客則什伍以復于
游宗游宗以復于里尉里尉以復于州長州長以計于
鄉師鄉師以著于士師凡過黨其在家屬及于長家其
在長家及于什伍之長其在什伍之長及于游宗其在
游宗及于里尉其在里尉及于州長其在州長及于鄉
師其在鄉師及于士師三月一復六月一計十二月一
著凡上賢不過等

謂上賢雖才用絕倫無得過其
勞績○績按上謂尊上進用也

使能

不兼官罰有罪不獨及

罪必有首從及黨與也

賞有功不專與孟

春之朝君自聽朝論爵賞校官終五日季冬之夕君自

聽朝論罰罪刑殺亦終五日止月之朔百吏在朝君乃

出令布憲于國五鄉之師五屬大夫皆受憲于太史大

朝之日五鄉之師五屬大夫皆身習憲于君前太史既

布憲入籍于太府

入籍者入取籍於太府也○績按入籍謂入書其憲於太府也下文云不

合籍指此憲籍分于君前

○績按分謂散憲於五鄉之師也

五鄉之師出朝

遂于鄉官致于鄉屬及于游宗皆受憲

憲所以察時令籍所以視功過

憲既布乃反致令焉

致令于君

然后敢就舍憲未布令未致

不敢就舍就舍謂之留令死罪不赦五屬大夫皆以行

車朝出朝不敢就舍遂行至都之日

五屬之都

遂於廟致屬

吏皆受憲憲既布乃發使者致令以布憲之日蚤晏之

時憲既布使者已發然後敢就舍憲未布使者未發不

敢就舍就舍謂之留令罪死不赦憲既布有不行憲者

謂之不從令罪死不赦考憲而有不合于太府之籍者

侈曰專制

績按謂增之

不足曰虧令

績按謂損之

罪死不赦首憲

既布

歲朝之憲

然后可以布憲

憲謂月朝之憲

右首憲

凡將舉事令必先出曰事將為其賞罰之數必先明之
立事者謹守令以行賞罰計事致令復賞罰之所加有
不合於令之所謂者雖有功利則謂之專制罪死不赦
首事既布然后可以舉事

右首事

脩火憲敬山澤林藪積草

○績按敬同儆戒也

夫財之所出以時

禁發馬使民於宮室之用薪蒸之所積虞師之事也決水潦通溝瀆脩障防安水藏使時水雖過度無害於五穀歲雖凶旱有所收穫司空之事也

○續按粉扶問切亦獲也

相高

下視肥瘠觀地宜明詔期前後農夫以時均脩焉使五穀桑麻皆安其處由田之事也行鄉里視宮室觀樹藝簡六畜以時鈞脩焉勸勉百姓使力作毋偷懷樂家室重去鄉里鄉師之事也論百工審時事辨功苦上完利監一五鄉以時鈞脩焉使刻鏤文采毋敢造於鄉工師

之事也

右省官

度爵而制服量祿而用財飲食有量衣服有制宮室有
度六畜人徒有數舟車陳器有禁修生則有軒冕服位
穀祿田宅之分死則有棺槨絞衾壙龍之度雖有賢身
貴體毋其爵不敢服其服雖有富家多資毋其祿不敢
用其財天子服文有章而夫人不敢以燕以饗廟將軍
○續按此有
大夫以朝官吏以命士止于帶緣散民不

缺文誤字

敢服雜采百工商賈不敢服長鬣貂

○績按鬣音摧記云燕則鬣自注分

髮為髻

刑餘戮民不敢服綬

一本作絲

不敢畜連乘車

右服制

寢兵之說勝則險阻不守

言事者競陳寢兵其說見用而得勝則武術必偃雖有險

阻不能守矣

兼愛之說勝則士卒不戰

兼愛之說勝則徐偃弱而行仁宋襄惑而

募古

全生之說勝則廉恥不立

全生之說勝則王孫自奉千金何侯日食一萬

私議自貴之說勝則上令不行羣徒比周之說勝則賢

不肖不分金玉貨財之說勝則爵服下流觀樂玩好之

說勝則女民在上位

觀樂玩好之說勝則費仲以奉奇異而居顯位董賢以柔曼而處朝

謂也

請謁任舉之說勝則繩墨不正諂諛飾過之說勝則

巧佞者用

右九敗

期而致使而往百姓舍已以上為心者教之所期也始
於不足見終於不可及一人服之萬人從之訓之所期
也

謂君將行令始獨發於心故不足見終則功成事遂故不可及也

未之令而為未之

使而往上不加勉而民自盡竭俗之所期也

君能盡心於俗所以

能期於此也

好惡形於心百姓化於下罰未行而民畏恐賞

未加而民勸勉誠信之所期也

君之好惡統形於心百姓已化於天下

為

而無害成而不議得而莫之能爭天道之所期也

君能奉順

天道所以能期於此

為之而成求之而得上之所欲小大必舉事之

所期也令則行禁則止憲之所及俗之所被

被合也謂俗與憲合

如百體之從心政之所期也

右七觀

乘馬第五

立國大數
士農工商

陰陽
聖人

爵位
失時

務市事
地里

經言五

凡立國都非於太山之下必於廣川之上高毋近旱而
水用足下毋近水而溝防省因天材就地利故城郭不
必中規矩道路不必中準繩

右立國

無為者帝為而無以為者王為而不貴者霸不自以為
所貴則君道也貴而不過度則臣道也

右大數

地者政之本也

政從地生

朝者義之理也

義因朝起

市者貨之準

也

市所以準貨

黃金者用之量也諸侯之地千乘之國者器

之制也五者其理可知也為之有道

地者政之本也是故地可以正政也

地平可政以正

地不平均

和調則政不可正也

不均平和調則地利或幾於息故不可不正也

政不正則

事不可理也春秋冬夏陰陽之推移也

夏秋推陽以生陰冬春推陰以生陽

時之短長陰陽之利用也

必長短相摩然後成陰陽之用也

日夜之易

陰陽之化也

晝熱夜寒交易其氣此陰陽之化也

然則陰陽正矣雖不

正有餘不可損不足不可益也

假令時有盈縮不正則百六之運數當然也雖有堯

湯之聖不能免之故不可損益也

天地莫之能損益也

天地亦準陰陽不可損益也

然則可以正政者地也故不可不正也正地者其實必

正長亦正短亦正小亦正大亦正長短小大盡正正不

正則官不理

謂天地之正不正官不可得理

官不理則事不治事不治

則貨不多是故何以知貨之多也曰事治何以知事之

治也曰貨多貨多事治則所求於天下者寡矣為之

有道

右陰陽

○續按此釋地者政之本也

朝者義之理也是故爵位正而民不怨民不怨則不亂然後義可理理不正則不可以治而不可不理也故一

國之人不可以皆貴皆貴則事不成而國不利也

皆貴則無

為事者故事不成也

為事之不成國之不利也使無貴者則民不

能自理也是故辨於爵列之尊卑則知先後之序貴賤之義矣為之有道

右爵位

○續按此釋朝者義之理也

市者貨之準也是故百貨賤則百利不得

謂不得過常之利也

百

利不得則百事治百事治則百用節矣是故事者生於

慮

謀慮則事生也

成於務

專務則事成也

失於傲

輕傲則失事也

不慮則不生

不務則不成不傲則不失故曰市者可以知治亂可以知多寡而不能為多寡為之有道

右務市事

○續按此釋市者貨之準也

黃金者用之量也辨於黃金之理則知侈儉知侈儉則百用節矣故儉則傷事侈則傷貨儉則金賤金賤則事

不成故傷事侈則金貴金貴則貨賤故傷貨貨盡而後知不足是知量也事已而後知貨之有餘是知節也不知量不知節不可謂之有道

○績按此釋黃金者用之量也

天下乘馬服牛而任之輕重有制有一宿之行

一宿有定準則

百宿可知也道之遠近有數矣是知諸侯之地千乘之國者

所以知地之小大也所以知任之輕重也重而後損之是不知任也輕而後益之是不知器也不知任不知器不可謂之有道

○績按此釋諸侯之地千乘之國器之制也

地之不可食者山之無木者百而當一涸澤百而當一

地之無草木者百而當一樊棘雜處民不得入焉百而

當一數鍾纏得入焉九而當一

○績按鍾刈割器纏捆縛索

蔓山其

木可以為材可以為軸斤斧得入焉九而當一汎山其

木可以為棺可以為車斤斧得入焉十而當一流水網

罟得入焉五而當一林其木可以為棺可以為車斤斧

得入焉五而當一澤網罟得入焉五而當一命之曰地

均以實數

○績按此一節言土地就中論不可食者而除之紀其可食之實不可徒論廣狹也

方六里命之曰暴五暴命之曰部五部命之曰聚聚者
有市無市則民之五聚命之曰某鄉四鄉命之曰方官
制也官成而立邑五家而伍十家而連五連而暴五暴
而長命之曰某鄉四鄉命之曰都邑制也邑成而制事
四聚為一離五離為一制五制為一田二田為一夫二
夫為一家事制也事成而制器方六里為一乘之地也
一乘者四馬也一馬其甲七其蔽五蔽所以
護車馬四乘其甲
二十有八其蔽二十白徒三十人奉車兩器制也。
績。

按此一節言官
邑事器之制

方六里一乘之地也方一里九夫之田也黃金一鎰百
乘一宿之盡也無金則用其絹季絹三十三制當一鎰

三等其下
者曰季

無絹則用其布經暴布百兩當一鎰一鎰之

金食百乘之一宿則所事之地六步一斛

一本作
一升

命之

曰中歲有市無市則民不乏矣方六里名之曰社有邑

焉名之曰央亦關市之賦

命出關
市之賦

黃金百鎰為一篋其

貨一穀寵為十篋

寵音
篋

其商苟在市者三十人其正

月十二月黃金一鎰命之曰正分春曰書比立夏曰月

程秋曰大稽與民數得亡三歲修封五歲修界十歲更

制經正也

○續按此節言既立制而遂定賦也

十仞見水不大潦

大潦一本作大續繼也預貯水也

五尺見水不大旱

十一仞見水輕征

征稅也

十分去二三

謂去十仞之二三

二則去

三四

謂去十仞之三

四則去四

謂去十仞之四

五則去半比之於山五

尺見水

言平地五仞見水同於山五尺見水

十分去一四則去三

八尺曰仞分九

仞則屈每分有二仞二尺去其三則餘有一丈八尺

三則去二二則去一二尺而

見水比之於澤

○續按言地高則難潞故曰十仞見水不大潞地低則難旱故曰五尺見水不

大旱當潞之時若高亢地十一仞見水則常征十分中免二三分十二仞見水則免三四分十四仞見水則免

四分十五仞見水則免五分以其極高難灌溉可以比於山也當旱之時若汙下地五尺見水則常征十分免

四分四尺見水則免三分三尺見水則免二分二尺見水則免一分以其極低易灌溉可以比於澤也十分去

一當作十分去四乃字之誤也

距國門以外窮四竟之內丈夫二犂童五尺一犂以為

三日之功正月令農始作服于公田農耕及雪釋耕始

馬芸卒焉士聞見博學意察而不為君臣者與功而不

與分焉

此人學以為君之臣也然以高尚其事而不為若此者預食農牧之功而不受力作之分也

賈知賈之貴賤日至於市而不為官賈者與功而不與

分焉工治容貌功能日至於市而不為官工者與功而

不與分焉

○續按此言士賈工雖習其業不在官者正月亦與耕公田三日借民力以盡地利也

不可使而為工則視貨離之實而出夫粟是故智者知

之愚者不知不可以教民

教民必以有智者

巧者能之拙者不

能不可以教民

教人為工必以巧者欲令愚智之人盡曉知之然後可以教人也○續按此言

教人當使智愚皆知巧拙皆能

非一令而民服之也不可以為大善

非夫人能之也不可以為大功是故非誠賈不得食于
賈非誠工不得食于工非誠農不得食于農非信士不
得立于朝是故官虛而莫敢為之請君有珍車珍甲而
莫之敢有君舉事臣不敢誣其所不能君知臣臣亦知
君知己也故臣莫敢不竭力俱操其誠以來

道曰均地分力使民知時也民乃知時日之蚤晏日月
之不足饑寒之至于身也是故夜寢蚤起父子兄弟不
忘其功為而不倦民不憚勞苦故不均之為惡也地利

不可竭民力不可殫不告之以時而民不知道之以
事而民不為與之分貨則民知得正矣審其分則民盡
力矣是故不使而父子兄弟不忘其功

右士農工商

○續按此篇言均地立制定賦之法率民盡地力終之以人君出令

之事末又言均地分力使民知時為下三節之綱謂之士農工商不知何說也

聖人之所以為聖人者善分民也

善令人知分故名為聖人

聖人不

能分民則猶百姓也於已不足安得名聖

不能令人知分則已尚不

足何名

是故有事則用

用謂人也

無事則歸之於民

謂令人退歸而

為聖人

居唯聖人為善託業於民謂託人以成功業也民之生也辟則愚

縱其淫辟則昏愚也閉則類類善也閉其淫辟則自善上為一下為二下之效上必倍

之也

右聖人

○績按此釋上分力非言聖人也

時之處事精矣不可藏而舍也時至則為之不可藏而舍息也故曰今

日不為明日亡貨言不為則失時昔之日已往而不來矣言日既往

不還來也

右失時

○績按此釋上使民知時

上地方八十里萬室之國一千室之都四中地方百里
萬室之國一千室之都四下地方百二十里萬室之國
一千室之都四以上地方八十里與下地方百二十里
通於中地方百里

右地里

○績按此
釋上均地

管子補注卷一

欽定四庫全書

子部
管子補注卷三

詳校官中書

臣徐志晉

編修臣倉聖脈覆勘

總校官進士

臣繆琪

校對官編修

臣楊壽楠

謄錄監生

臣戴埏

欽定四庫全書

管子補注卷二

明劉績撰

七法第六

謂則象法化決
塞心術計數

經言六

言是而不能立言非而不能廢

謂之是不能立其人而
用之謂之非不能廢其

人而有功而不能賞有罪而不能誅若是而能治民者

未之有也是必立非必廢有功必賞有罪必誅若是安

治矣未也

能此四者可以安治矣而
猶未者則以未具下事故

是何也曰形勢器

械未具猶之不治也形勢器械具四者備治矣四者備謂立是

廢非賞功誅罪不能治其民而能彊其兵者未之有也能治民然後能

彊兵能治其民矣而不明于為兵之數猶之不可雖能治民而欲

彊兵必明於為兵之數然後可不能彊其兵而能必勝敵國者未之有

也能彊其兵而不明于勝敵國之理猶之不勝也雖能彊兵

其欲勝敵國必須明審其理理之不明猶是不勝也兵不必勝敵國而能正天下

者未之有也兵必勝敵國矣而不明正天下之分猶之

不可故曰治民有器為兵有數勝敵國有理正天下有

分器數理分即下之七法也則象法化決塞心術計數此七法之目也根天

地之氣寒暑之和水土之性人民鳥獸草木之生物雖

不甚多皆均有焉而未嘗變也謂之則根本也生萬物者天地之元氣

也義也名也時也似也類也比也狀也謂之象義者所以合宜也

名者所以命事也時者名有所當也似類比狀謂立法者必有所做效不徒然也尺寸也繩墨也

規矩也衡石也斗斛也角量也謂之法角亦器量之名凡此十二事皆

立政者所漸也順也靡也久也服也習也謂之化漸謂革物

當以漸也順也靡也謂物順教而風靡也久也服也習也謂人服習教命之久予奪也險易也

利害也難易也開閉也殺生也謂之決塞

凡此十二事皆為政者所

以決斷而

實也誠也厚也施也度也恕也謂之心術

凡此

六者皆自

心術生也剛柔也輕重也大小也實虛也遠近也多少

也謂之計數

凡此十二事必計之以知其數也

不明於則而欲出號令

明則然後可

獨立朝夕於運均之上擔竿而欲定其末

均陶者之輸也立朝夕所以正東西也今均既運則東西不可准也擔舉也夫欲定末者必先靜其本今既舉

竿之本其

末不定也不明於象而欲論材審用猶絕長以為短續

短以為長

鶴脰非所斷鳥頸非所續也

不明於法而欲治民一衆猶

左書而右息之

息止也左手為書右手從而止之則無時成書矣

不明於化而

欲變俗易教猶朝操輪而夕欲乘車不明於決塞而欲

歐衆移民猶使水逆流不明於心術而欲行令於人猶

倍招而必拘之

物有倍叛而招之者必有以慰之令其感服今反拘留之則彼逾叛矣

不

明於計數而欲舉大事猶無舟楫而欲經於水險也故

曰錯儀畫制不知則不可論材審用不知象不可和民

一衆不知法不可變俗易教不知化不可歐衆移民不

知決塞不可布令必行不知心術不可舉事必成不知

計數不可

右七法

百匿傷上威

百百官也言百官皆匿情為私則上威傷

姦吏傷官法姦民傷

俗教賊盜傷國衆

盜賊之人常欲損敗於物也

威傷則重在下

君威傷則

臣反得尊重

法傷則貨上流教傷則從令者不輯衆傷則百

姓不安其居重在下則令不行貨上流則官徒毀

官者既不

以德進但以貨成故官徒毀徒事也

從令者不輯則百事無功百姓不安

其居則輕民處而重民散

輕民謂為盜者用盜致富故處重民謂務農者為盜破產

故散輕民處重民散則地不辟地不辟則六畜不育六畜

不育則國貧而用不足國貧而用不足則兵弱而士不

厲兵弱而士不厲厲奮也則戰不勝而守不固戰不勝而

守不固則國不安矣故曰常令不審則百匿勝官爵不

審則姦吏勝符籍不審則姦民勝刑法不審則盜賊勝

國之四經敗人君泄見危謂常令官爵符籍刑法四者為政之經四者既敗則是君

泄其事君泄其事則其位危矣人君泄則言實之士不進言實之士不

進則國之情偽不竭于上下皆隱實言虛則世主所貴

者實也所親者戚也所愛者民也所重者爵祿也亡君則不然致所貴非實也致所親非戚也致所愛非民也致所重非爵祿也故不為重寶虧其命故曰令貴於

寶

重寶而全命則當
弃是令貴於寶

不為愛親危其社稷故曰社稷戚

於親

社稷者身之存亡
故弃親而存社稷

不為愛人而枉其法故曰法愛

於人

法者崇替所由故
弃所愛而存其法

不為重祿爵分其威故曰威重

於爵祿

威者人君所以服海內必不
得已寧散爵祿不可分威也

不通此四者則反於

無有

不達於四者用非其
國故曰反於無有

故曰治人如治水潦

治水潦者必峻

其隄防也

養人如養六畜

養六畜者必致其閑皂堅其羈絆

用人如用草木

用草木者時入山林輪轉不失其宜樵蕪各得其所

居身論道行理則羣臣服教

百吏嚴斷莫敢開私焉

君之於民其猶居身治之養之用之三者各得其宜論道而行

理則無私不服也

論功計勞未嘗失法律也便辟左右大族尊

貴大臣不得增其功焉疏遠卑賤隱不知之人不忘其

勞故有罪者不怨上

罪得其人故不怨

愛賞者無貪心

賞不踰等故息

其貪也

則列陳之士皆輕其死而安難以要上事

賞罰不濫則立

功要功之士知其不誣故競而為之

本兵之極也

為兵之本其極要者在於明賞罰也

右四傷百匿

為兵之數存乎聚財而財無敵

存謂專立意存之君無財士不來故存意於聚

財則彼國之財不能敵也

存乎論工而工無敵

工者所以造軍之器用者也

存乎

制器而器無敵

器謂兵器

存乎選士而士無敵存乎政教而

政教無敵

政教軍中號令

存乎服習而服習無敵

服便也謂便習武藝

存

乎徧知天下而徧知天下無敵

徧知天下謂徧知其地形險易主將工拙士卒

勇怯存乎明於機數而明於機數無敵

機者發內而動外為近而成遠不遠

而疾不行而至見其為之不知其所以為有數存焉於其間故曰機數也

故兵未出境而無

敵者八是以欲正天下財不蓋天下不能正天下財貨

能蓋天下則無以正天下也財蓋天下而工不蓋天下不能正天下

工蓋天下而器不蓋天下不能正天下財雖蓋天下而工與器不能蓋

則無以正天下餘皆放此器蓋天下而士不蓋天下不能正天下士

蓋天下而教不蓋天下不能正天下教蓋天下而習不

蓋天下不能正天下習蓋天下而不徧知天下不能正

天下徧知天下而不明於機數不能正天下故明於機

數者用兵之勢也大者時也小者計也王者征伐能立大功者在於合天

時也至小者捷勝亦在人計謀也

王道非廢而天下莫敢窺者王者之

正也

大寶之位神器也古今所共傳非有變廢而天下莫敢窺竊者以王者當樂推之運應天人之正也

衡庫者天子之禮也

衡者所以平輕重庫者所以藏寶物不令外知者也言王者用心常

當準平天下既知輕重審用於心無令長耳目者所得此則天子之禮然也

是故器成卒選

則士知勝矣

選謂簡其精練

徧知天下審御機數則獨行而無

敵矣所愛之國而獨利之所惡之國而獨害之則令行

禁止是以聖主貴之

貴謂貴兵

勝一而服百則天下畏之矣

立少而觀多則天下懷之矣

立少謂興亡國雖少天下共觀之故曰觀多桓公救

邢遠衛用此術也
或曰觀當為勸

罰有罪賞有功則天下從之矣故聚

天下之精財論百工之銳器春秋角試以鍊精銳為右

右上也

成器不課不用不試不藏

兵器雖成未經課
試則不用不藏

收天

下之豪傑有天下之駿雄故舉之如飛鳥動之如雷電

發之如風雨莫當其前莫害其後獨出獨入莫敢禁圍

成功立事必順於禮義故不禮不勝天下不義不勝人

故賢知之君必立於勝地故正天下而莫之敢御也

右為兵之數

若夫曲制時舉不失天時

制雖委曲順天而舉不失天時也

毋壙地利

其數多少其要必出於計數

壙空也天之所覆空地謂山河坡澤所以營作而興

利者也必計數其多少之要然後度材而用之

故凡攻伐之為道也計必先定

於內然後兵出乎境計未定於內而兵出乎境是則戰

之自勝攻之自毀也

自勝謂自勝於己其敗可知也

是故張軍而不能

戰圍邑而不能攻得地而不能實三者見一焉則可破

毀也故不明於敵人之政不能加也

不明敵政未可加兵

不明于

敵人之情不可約也

不明敵情未可約士約誓也

不明於敵人之將

不先軍也不明於敵人之士不先陣也是故以衆擊寡

以治擊亂以富擊貧以能擊不能以教卒練士擊敵衆

白徒

白徒謂不練之卒無武藝

故十戰十勝百戰百勝故事無備兵

無主則不蚤知

既無備無主故敵來攻不能先知之

野不辟地無吏則無

畜積官無常下怨上則器械不功

功謂堅利

朝無政則賞罰

不明賞罰不明則民幸生

僥倖以偷生也

故蚤知敵人如獨行

蚤知敵人則有以備之敵人望風自退故曰獨行也

有蓄積則久而不匱器械功

則伐而不費賞罰明則人不幸人不幸則勇士勸之故

兵也者審於地圖謀十官

地圖謂敵國險易之形軍之部置十官必伍什則有長故

曰十官又須謀得其人也

日量蓄積齊勇士徧知天下審御機數兵

主之事也故有風雨之行故能不遠道里矣

行疾如風雨故不以

道里為遠

有飛鳥之舉故能不險山河矣

輕疾如飛鳥故不以山河為險阻

有雷電之戰故能獨行而無敵矣

雷電天之威怒故莫敢為戰

有水

旱之功故能攻國救邑

謂其功可以為彼水旱

有金城之守故能定

宗廟育男女矣有一體之治故能出號令明憲法矣

謂上

下同心其猶一體也

風雨之行者速也飛鳥之舉者輕也雷電之

戰者士不齊也

懼雷電之威故彼士不齊

水旱之功者野不收耕不

獲也

能令彼有水旱故不得使收獲也

金城之守者用貨財設耳目也

貨財所以養敢死之士耳目所以聽鄰國之動靜令必知之

一體之治者去奇說禁

雕俗也

奇說謂誦詐之言雕俗謂浮偽之俗

不遠道里故能威絕域之民

不險山河故能服恃固之國獨行無敵故令行而禁止

故攻國救邑不恃權與之國故所指必聽

雖有權與之國不顧而恃

之權與謂權為親與也

定宗廟育男女天下莫之能傷然後可

以有國制儀法出號令莫不嚮應然後可以治民一衆

矣

右選陳

版法第七

選擇政要載之於版以為常法○績按此註多非當依後版法解自明

經言七

凡將立事

立經國之事

正彼天植

謂順天道以種植必令得其正

風雨無違

君道不虧則風雨無違也

遠近高下各得其嗣

高下猶多少也謂君之賦稅因其遠近之

別以多少之差輕重合宜故可嗣之以常行嗣續也

三經既飭君乃有國

三經謂上天植

風雨高下也是三者既以飭整故君可以育國也○績按謂天也風也雨也

喜無以賞怒無

以殺喜以賞怒以殺怨乃起令乃廢驟令而不行民心

乃外

有外叛之心也

外之有徒禍乃始牙

徒謂黨與也外叛者有黨與禍由是生故

曰始牙

衆之所怨置不能圖

衆怨難犯故必置之誰能圖之○績按當依解作寡不能

圖

舉所美必觀其所終

凡人情靡不有初鮮克有終故須觀之

廢所惡必

計其所窮

蜂蠆有毒故必計其所窮知困獸猶鬪其所終將何為也

慶勉敦敬以顯

之

人有敦敬則慶勉以顯之也

富祿有功以勸之

人之有功則富貴以勸之

爵貴

有名以休之

賢者有名則爵貴以休之

兼愛無遺是謂君心必先順

教萬民鄉風

上之敦敬有功名之士必爵祿順而與之所以教之急也如此則民向風而從化

旦暮利之衆乃勝任

有功名之士既旦暮得利衆自厲而勝任

取人以已成

事以質

將欲取人必先審己才畧能用彼不順謂準的事不違順然後為善

審用財慎施報察稱量故用財不可以嗇用力不可以

苦用財嗇則費

嗇於用財不以賞賜則立功之士懈怠敵人來侵其費更多嗇慙也

用力

苦則勞民不足令乃辱

民不足則令不行故辱也

民苦殃令不行施

報不得禍乃始昌禍昌不寤民乃自圖

謀為叛已

正法直度

罪殺不赦

夫正直之法度罪殺有過終不免赦

殺修必信民畏而懼武威

既明令不再行頻卒怠倦以辱之

頻卒猶困苦其有怠倦不勤則困苦以辱

之
罰罪有過以懲之殺僂犯禁以振之植固不動倚邪

乃恐

言執法者必當深植而固守則不可動移若乃頻倚而邪則法亂而身危故可恐也○續按倚解作

奇邪

謂恐懼迂善不敢為惡也恐倚革邪化令往民移既能正倚

化邪

歸於正直如此法天合德天之資始無有私德象地無親之地

資生

無所親私參於日月日月無私耀也伍於四時賞以春夏刑以秋冬悅在愛

施有

將悅於下在于施無令有○續按當作悅衆在愛施解作說在愛施脫一衆字註以有字屬上句非

蓋言

能廢私衆在廢私將欲齊衆召遠在脩近脩近則遠者至

閉禍在除怨

除怨則禍端塞脩長在乎任賢任賢則國祚長安高在乎

同利

與下同利
則高位安

管子補注卷二

欽定四庫全書

管子補注卷三

明 劉績 撰

幼官第八

幼始也陳從始輔官齊政之法

經言八

若因夜虛守靜人物則皇

言欲候氣聽聲以知吉凶必因夜虛之時守其

安靜以聽候人物此時人物則皇暇故吉凶之驗不妄

五和時節

土生數五土氣和則君順時節

而布君服黃色味甘味聽宮聲

此土王之時故服黃味甘聽宮也然土雖均王

四季而正位在六月也

治和氣

土主和故

用五數

績

按諸本脫此一句非

飲於黃后之井

中央井也

以保獸之火爨

保獸謂淺毛之

獸虎豹之屬

藏溫濡

藏謂苞之在心君之所藏者溫和濡緩所以助土氣○績按濡字古軟字也

行毆養

謂禽獸之屬能為苗害者時毆逐之所以養嘉穀也○績按行對藏而言謂行之於身也下放

此

坦氣脩通

坦平也平土政則其氣脩通

凡物開靜形生理常至命

凡土王之時所生之物但開通安靜則其形自生既循理之常則無殘盡於所賦之命也○績按當理字為句

尊賢授德則帝

帝者之臣其實師也故尊賢授德則可為帝也

身仁行義服忠

用信則王

服

審謀章禮選士利械則霸

章

明定生處死謹

賢脩伍則衆

生者安定之死者在處置之歛葬其柩

信賞審罰爵材祿能則

强有材者爵之計凡付終務本飭末則富凡謂都數也

有能者祿之月既終付明法審數立常備能則治常謂五常也備能謂才能之士備有

之後人同異之職通之以道畜之以惠親之以

仁養之以義報之以德結之以信接之以禮和之以樂

期之以事攻之以官攻治○績按當依發之以力威之

以誠一舉而上下得終謂初會諸侯上下得終其禮自此至九舉說九合諸侯之所致

再舉而民無不從三舉而地辟散成成謂諸侯自盟要不事於齊至三會

則諸侯散其四舉而農佚粟十四會之後徭役減省故農人佚樂而粟得十全

五舉而務輕金九

五會之後兵戰既息事務轉輕而金得九分一以供官也

六舉而

紮知事變

紮圍度也

七舉而外內為用

外謂諸侯

八舉而勝行威

立九舉而帝事成形

九會之後威行海內雖居侯伯帝王之事既以成形

九本

搏大人主之守也

自九本以下管氏但舉其目或有數在於他篇但此書多從散逸無得而

知然九本所以搏擊強大故人主守之

八分有職卿相之守也七官飾勝

備威將軍之守也六紀審密賢人之守也五紀不解庶

人之守也動而無不從靜而無不同

強動弱必從強靜弱必同

治亂之

本三卑尊之交四富貧之終五盛衰之紀六安危之機

七強弱之應八存亡之數九練之以散羣備署

備猶曹也凡上

之諸數既已精練然後散之於衆使備曹署著其名以司之○績按備音朋

凡數財署

數謂國用

之數使

殺僂以聚財或因其亡國或因滅家莫不籍沒其財故曰殺僂以聚財也

勸勉

以選衆使二分具本

使其上之備署財署分知其事各具其名籍之本則財署知聚財備署

知選衆

發善必審於密執威必明於中

發善謂行賞執威謂行刑

此居

圖方中

此立時之政管仲別五其圖謂之方圖而土位居中

春行冬政肅

肅寒也冬氣乘之故也

行秋政雷

春陽秋陰陰乘陽故雷

行夏

政閣

春既陽夏又陽陽氣猥併故掩閉也

十二地氣發戒春事

自此已下陰陽之數

日辰之名於時國異政家殊俗此但齊獨行不及天下
且經秦焚書或為煨燼無得而詳焉闕之以待能者

十二小邛出耕十二天氣下賜與十二義氣至脩門閭

十二清明發禁十二始邛合男女十二中邛十二下邛

三邛同事

謂三邛所用事
同他皆放此

八舉時節

木之成數八木氣
舉君則順時節以

布政也

君服青色味酸味聽角聲

此木王之時故服青味
酸聽角○續按別本注

用木之物也

治燥氣

春多風而旱
故治燥氣

用八數

八亦木之
成數也

飲於青

后之井

東方井也

以羽獸之火爨

羽獸南方朱雀也用南
方之火故曰羽獸之火

藏

不忍行毆養坦氣修通凡物開靜形生理合內空周

外春主仁故所藏者不忍之強國為圉弱國為屬強國所以

禁禦弱國弱動而無不從靜而無不同強動弱必從強靜弱必同舉發

以禮時禮必得強國舉發必當以禮和好不基貴賤無

司事變日至鄰國和好不基貴賤之位無司存此居

於圖東方外方

夏行春政風春箕宿多風也行冬政落寒氣肅殺故凋落也重則雨雹其災

重則雨雹水寒所致行秋政水秋畢宿多霖雨十二小郢至德十二絕氣

下下爵賞十二中郢賜與十二中絕收聚十二大暑至

盡善十二中暑十二小暑終三暑同事七舉時節

火成數七

火氣舉君則順時節而布政

君服赤色味苦味

此火王之時故服赤味苦也○續按別本

注用火聽羽聲之物也

羽北方聲也火王之時不聽徵而聽羽者所以抑盛陽也

治陽氣

續○

按諸本無此句非

用七數

七亦火之成數

飲於赤后之井

南方井也

以毛獸

之火爨

毛獸西方白虎用西方之火故曰毛獸之火

藏薄純

盛陽之性失在奢縱故所藏者

省薄純素也

行篤厚

陽性寬和故行篤厚

坦氣脩通凡物開靜形生理

物理既生自然修理而長育也

定府官明名分而審責於羣臣有司則

下不乘上賤不乘貴法立數得而無比周之民則上

尊而下卑遠近不乖此居於圖南方方外

秋行夏政葉

盛陽氣乘之故卉木生葉

行春政華

少陽氣乘之故卉木更生華

行

冬政耗

盛陰肅殺故虛耗也

十二期風至戒秋事十二小邠薄百

爵十二白露下收聚十二復理賜與十二始節賦事十

二始邠合男女十二中邠十二下邠三邠同事九和時

節

金成數九金氣和君則順時節而布政

君服白色味辛味聽商聲

此金王之

時故服白味辛聽商○績按別本註用金之物也

治濕氣

秋多霖雨水故治濕

用九數

九亦金之

成飲於白后之井

西方以介蟲之火爨也

介蟲北方玄武也北方之火

故曰介藏恭敬

金性廉潔故所藏者恭敬也

行搏鉞

兌金性勁銳時方肅殺故曰以

勁銳搏擊所以順殺氣也

坦氣脩通凡物開靜形生理間男女之畜

男女之畜有內外之異故須間之也

脩鄉間什伍

殺氣方至可以出師征伐故脩什伍

量委

積之多寡定府官之計數養老弱而勿通

老少異糧故其養勿

通信利周而無私

中布秋利既今周徧無得有私○績按周當依後作害

此居於

圖西方方外

冬行秋政霧

秋氣多陰霧

行夏政雷

盛陽乘盛陰故雷也

行春政烝

泄少陽乘陰故烝泄也

十二始寒盡刑十二小榆賜予十二中寒

收聚十二中榆大收十二寒至靜十二大寒之陰十二

大寒終三寒同事六行時節

水成數六水氣行君則順時節而布政君

服黑色味鹹味

此水王之時故服黑味鹹績按別本注用水之物也

聽徵聲

不

羽而聽徵者亦所以抑盛陰也

治陰氣

不治則盛陰大過則治陰氣也

用六數

六亦

數飲於黑后之井

北方井也

以鱗獸之火爨

鱗獸東方青龍也用東方之火

故曰鱗獸之火

藏慈厚

君人者好生惡殺故以刑殺之行薄純時藏於慈厚所以示其不忍也

行薄純

冬物朴素故行省薄純儉

坦氣脩通凡物閒靜形生理器成於修

刑之時故成修器也

教行於鈔

鈔末也冬為四時之末歲之將終也

動靜不記行止

無量

記靜動則行止可量

戒審四時以別息

息生也四時生物各有不同故須別之

異出入以兩易

出入既異又並令無差故曰兩易也

明養生以解固

固謂謹

也生既須養則物不可悵故曰解固也

審取與以總之

又恐所養過時故審取與之多少以

之總統

一會諸侯令曰非玄帝之命毋有一日之師役

玄帝

北方之帝齊桓初會命諸侯不使非時出師故令曰若非玄帝有命之時毋得有一日之師役一日尚不可況

多乎再會諸侯令曰養孤老食常疾收孤寡三會諸侯令

曰田租百取五

百分取五分

市賦百取二關賦百取一毋乏

耕織之器四會諸侯令曰脩道路偕度量一稱數

偕同也稱

斤兩也數
多少也

數澤以時禁發之

草木零落然後入山林
獺祭魚然後修澤梁也

五會諸侯令曰脩春秋冬夏之常祭食

常所祭常所食
各有時物也

天壤山川之故祀必以時六會諸侯令曰以爾壤生物

共立官

立官主禮
天之官也

請四輔

四輔卿三公四輔也
所以助祭行禮也

將以禮

上帝七會諸侯令曰官處四體而無禮者流之焉莠命

官處

謂處官也處官位而四體無禮者謂之莠命而
流放焉莠命者謂穢亂教命若莠之穢苗也

八會諸

侯令曰立四義而毋議者尚之於立官聽於三公

四義者謂

無障谷無貯粟無易樹子無以妾為妻諸侯能順命而
無異議者則尚之于天子立官聽三公之錫命尚上也

九會諸侯令曰以爾封內之財物國之所有為幣為幣禮

九會大命焉出常至

謂上九會既出大令故天下諸侯常至非此之外則朝聘之數遠近各有

差也○績按謂大命諸侯出常來朝會之命即下文是也千里之外二千里之內諸

侯三年而朝習命

因朝而習教命

二年三卿使四輔

諸侯三卿使天子四

輔以受節制也

一年正月朔日令大夫來修受命三公

習所受命於三

公二千里之外三千里之內諸侯五年而會至習命因會

而至以習命也

三年名卿請事二年大夫通吉凶十年重適入

正義禮

重適謂承重也適諸侯之世子也

五年大夫請受變

謂所變更之教令也

三千里之外諸侯世一至道路既遠置大夫以為廷安

其遠國大夫則為置廷館每來於此以安之也入共受命焉入共國所有此居

於圖北方方外

必得文威武官習勝之

善勝敵者必得文德之威武藝之官與之練習士卒則可以勝

之務時因勝之

時是也務時因修不逆於理可以得勝也

終無方勝之

從始至終計出無

終計出無方者勝

幾行義勝之

庶幾行義者可以勝

理名實勝之

整理名實

不謬妄可以得勝

急時分勝之

敗敵所得之物應受分者急分與之可以得勝

事察伐勝

之伐功行賞之事必察有功不令無功者妄受可以得勝

行備具勝之

行師用兵必備其攻戰之

其可以得勝原無象勝之奇計若神無本定獨威勝用師之

獨威定計財勝計謀財用先定聞知勝間知敵謀能定

選士勝精選士卒能定制祿勝制祿亦與有功定方用勝

異方所用各有不定綸理勝經綸之理能定死生勝定

成敗勝定依奇勝所依奇策能定實虛勝定盛衰勝舉

機誠要則敵不量發舉兵機誠得其用利至誠則敵不

校用兵便利又能至明名章實則士死節明忠義之名

士則死節奇舉發不意則士歡用奇謀之舉發彼不交

物因方則器械備

交盾之物因方所有則器械備具也

因能利備則求必

得

因彼所能所利而以備之則所求必得

執務明本則士不偷

執所營之務明所為

之本則士不苟且

備具無常無方應也

其所備具無有常者所以應敵無方聽於

鈔故能聞未極

鈔深遠也所聽在於深遠故能聞於極理

視於新故能見未

形未形者新事將起所視者在新故見未形也

思於濬故能知未始

未始者事之深

濬者所思在深故未知始發於驚故能至無量

發舉可驚敵不能量

動於

昌故能得其寶

舉動昌盛故敵懼而輸寶也

立於謀故能實不可

故也

其所建立皆用深謀故常堅實不復衰故績按別本注立謀能有實效不使衰故也

器成

教守則不遠道里

器用完成教令堅守故欲往則至不憚道里之遠也

號審教施

則不險山河

號令審悉教命施行則赴湯火而不顧豈險難於山河也

博一純固則

獨行而無敵

德博而一行純而固則仰我如雨歎我如椒蘭誰能敵之

慎號審章

則其攻不待

慎號令審旗章則攻者爭先登豈顧後而相待乎

權與明必勝則

慈者勇

權謀明畧必能勝敵則慈仁者猶致勇奮況惡少哉

器無方則愚者智

器用無方應卒必備則愚者習而成智況不愚乎

攻不守則拙者巧

我攻既妙彼不能守則拙者習

而成巧況不拙乎

數也動慎十號

兵既數動必慎十號章等此有數在他篇

九明審

九章飾習十器善習五官謹修三官必設常主計必先

定軍之主將既必有常求天下之精材精材可以為論

百工之銳器器成角試否臧收天下之豪傑有天下之

稱材稱材謂材稱其所用也說行若風雨發如雷電此居於圖方

中此中國之副也

旗物尚青木用事兵尚矛象春物刑則交寒害鈇其

刑戮則於初旦夜盡之交其時尚寒主春人不得已而

行刑故離害而鈇禁鈇或為鉞○績按鈇鉞械人足也

恐當作器成不守器用既成則敵經不知經法也用兵

知教習不著我之教習敵不發不意其所舉發經不

知故莫之能圍發不意故莫之能應莫之能應故全勝

而無害莫之能害故必勝而無敵四機不明不過九日

而游兵驚軍

四機即上不守不知不著不意也

障塞不審不過八日而

外賊得間

障塞者所以防守要路也

由守不慎不過七日而內有說

謀

由守所由而防守者

詭禁不修不過六日而竊盜者起

詭禁所以禁詭

也

死亡不食不過四日而軍財在敵

死亡者不享食鬼神必怨怒故軍財

敵在此居於圖東方方外

此東圖之副也

旗物尚赤

火用事故尚赤

兵尚戟

象夏物之森聳

刑則燒交疆郊

具用

刑則於疆郊焚燒而交也必明其一謂號必明其將必明其政

必明其士四者備則以治擊亂以成擊敗數戰則士

疲數勝則君驕驕君使疲民則國危至善不戰用兵至善

者其唯不戰乎其次一之其次善者雖戰而號令一○大勝

者積衆積衆然後可以大勝勝而無非義者焉可以為大勝所以

勝皆大義故成大勝也大勝無不勝也此居於圖南方方外此南

圖之副也

旗物尚白金用事兵尚劍象金性刑則紹昧斷絕其利也

刑則繼晝之昧
斷絕而戮之也

始乎無端卒乎無窮始乎無端道

也卒乎無窮德也道不可量德不可數不可量則

衆強不能圖不可數則為詐不敢鄉

○績按
鄉響同

兩者備

施

兩者謂
道德也

動靜有功畜之以道養之以德畜之以道

則民和養之以德則民合和合故能習習故能偕

偕謂

同為其事
諧輯以悉莫之能傷則習乃輯聲之誤後倣此

○績按兵法作和合故能諧諧故能輯輯

偕

習以悉

悉盡也

莫之能傷也此居於圖西方方外

此西

圖之副也

旗物尚黑

水用事故尚黑

兵尚脅盾

象時物之閉盾或署刑之於脅故曰脅盾

刑

則游仰灌流

其用刑則游縱之所使仰藥死而既乃投之於灌流

察數而知

治審器而識勝明謀而適勝通德而天下定定宗

廟育男女

宗廟存則男女育也

官四分則可以立威行德制法儀

出號令

擇才授官四面分設

至善之為兵也非地是求也罰人是

君也

至善之兵不求其地所以君可罰人若桀紂之人比屋可誅也

立義而加之以勝

至威而實之以德守之而後修勝心焚海內

既獲敵人之國順而

守之然後修其法制如此則強勝之心可以焚灼於海內

民之所利立之所害除之

則民人從

立利除害則人從也

立為六千里之侯則大人從

既九會之

後天子加命立為侯伯面各三千里四方相距六千里大人謂天子三公四輔也

使國君得其

治則人君從會

國君謂天下同盟諸侯

請命於天地知氣和則

生物從

謂郊祀天地神祇使之合德則四氣和可知故生物從之

計緩急之事則危

危而無難

緩急之事皆已計定則二者之危無所難緩急之事皆有可危之理故曰危危

明於

器械之利則涉難而不變察於先後之理則兵出而

不困通於出入之度則深入而不危審於動靜之務

則功得而無害著於取與之分則得地而不執

謂不恡執

慎於號令之官則舉事而有功此居於圖北方方外北

圖之副也

幼官圖第九

中方本圖
東方副圖

中方副圖
南方本圖

東方本圖
南方副圖

西方本圖
北方本圖

西方副圖
北方副圖

經言九

若因處虛守靜人物則皇

○續按前作若因夜虛守靜人物人物則皇

五和

時節君服黃色味甘味聽宮聲治和氣用五數飲於黃

后之井以保獸之火爨藏溫濡行毆養坦氣修通凡物

開靜形生理常至命尊賢授德則帝身仁行義服忠

用信則王審謀章禮選士利械則霸定生處死謹賢
脩伍則衆信賞審罰爵材祿能則強計凡付終務本
飭末則富明法審數立常備能則治同異分官則安
通之以道畜之以惠親之以仁養之以義報之以德結
之以信接之以禮和之以樂期之以事攷之以言發之以
力威之以誠一舉而上下得終再舉而民無不從三
舉而地辟散成四舉而農佚粟十五舉而務輕金
九六舉而絜知事變七舉而內外為用八舉而勝行

威立九舉而帝事成形九本搏大人主之守也八分有
職卿相之守也十官飾勝備威將軍之守也六紀審
密賢人之守也五紀不解庶人之守也動而無不從靜
而無不同

○續按此
二句舊缺

治亂之本三卑尊之交四富貧之

終五盛衰之紀六安危之機七強弱之應八存亡之數
九練之以散羣備署凡數財署殺僇以聚財勸勉以選
衆使二分具本發善必審於密執威必明於中此居
圖方中

右中方本圖

必得文威武官習勝之務時因勝之終無方勝之幾行
義勝之理名實勝之急時分勝之事察伐勝之行備
具勝之原無象勝之本定獨威勝定計財勝定聞知勝
定選士勝定制祿勝定方用勝定綸理勝定死生勝定
成敗勝定依奇勝定虛實勝定盛衰勝舉機誠要則敵
不量用利至誠則敵不校明名章實則士死節奇舉發不
意則士歡用交物因方則械器備因能利備則求必得

執務明本則士不偷備具無常無方應也聽於鈔故能
聞未極視於新故能見未形思於濬故能知未始發於
驚故能至無量動於昌故能得其實立於謀故能實不
可故也器成教守則不遠道里號審教施則不險山河
博一純固則獨行而無敵慎號審章則其攻不待權與
明必勝則慈者勇器無方則愚者智攻不守則拙者巧
數也動慎十號明審九章節習十器善習五官謹修三
官必設常主計必先定求天下之精材論百工之銳器

器成角試否臧收天下之豪傑有天下之稱材說行若
風雨發如雷電此居於圖方中

右中方副圖

春行冬政肅行秋政雷行夏政則閭十二地氣發戒春
事十二小邨出耕十二天氣下賜與十二義氣至修門
閭十二清明發禁十二始邨合男女十二中邨十二下
邨三邨同事八舉時節君服青色味酸味聽角聲治燥
氣用八數飲於青后之井以羽獸之火爨藏不忍行毆

養坦氣修通凡物開靜形生理合內空周外強國為圉
弱國為屬動而無不從靜而無不同舉發以禮時禮必
得和好不基貴賤無司事變日至此居於圖東方方外

右東方本圖

旗物尚青兵尚矛刑則交寒害欽器成不守經不知教習
不著發不意經不知故莫之能圍發不意故莫之能應
莫之能應故全勝而無害莫之能害故必勝而無敵四
機不明不過九日而游兵驚軍障塞不審不過八日而

外賊得間由守不慎不過七日而內有讒謀詭禁不修
不過六日而竊盜者起死亡不食不過四日而軍財在
敵此居於圖東方方外

右東方副圖

夏行春政風行冬政落重則雨雹行秋政水十二小郢
至德十二絕氣下下爵賞十二中郢賜與十二中絕收
聚十二大暑至晝善十二中暑十二小暑終三暑同事
七舉時節君服赤色味苦味聽羽聲治陽氣用七數飲

於赤后之井以毛獸之火爨藏薄純行篤厚坦氣修通
凡物開靜形生理定府官明名分而審責於羣臣有司
則下不乘上賤不乘貴法立數得而無比周之民則上
尊而下卑遠近不乖此居於圖南方方外

右南方本圖

旗物尚赤兵尚戟刑則燒交疆郊必明其一必明其將
必明其正必明其士四者備則以治擊亂以成擊敗數
戰則士疲數勝則君驕驕君使疲民則國危至善不戰

其次一之大勝者積衆勝而無非義者焉可以為大勝
大勝無不勝也此居於圖南方方外

右南方副圖

秋行夏政葉行春政華行冬政耗十二期風至戒秋事
十二小邛薄百爵十二白露下收聚十二復理賜予十
二始前節第賦事

○續按前作十二始
節賦事無前第二字

十二始邛

合男女十二中邛十二下邛三邛同事九和時節君服
白色味辛味聽商聲治濕氣用九數飲於白后之井以

介蟲之火爨藏恭敬行搏銳坦氣修通凡物開靜形
生理間男女之畜修鄉里之什伍量委積之多寡
定府官之計數養老弱而勿通信利害而無私此居
於圖西方方外

右西方本圖

旗物尚白兵尚劍刑則紹昧斷絕始乎無端卒乎無窮
始乎無端道也卒乎無窮德也道不可量德不可數不
可量則衆強不能圖不可數則為詐不敢鄉兩者備施

動靜有功畜之以道養之以德畜之以道則民和養之以德則民合和合故能習習故能偕偕習以悉莫之能傷也此居於圖西方方外

右西方副圖

冬行秋政霧行夏政雷行春政烝泄十二始寒盡刑十二小榆賜予十二中寒收聚十二中榆大收十二寒至靜十二大寒之陰十二大寒終三寒同事六行時節君服黑色味醎味聽徵聲治陰氣用六數飲於黑后之井

以麟獸之火爨藏慈厚行薄純坦氣修通凡物開靜形
生理器成於戔教行於鈔動靜不記行止無量戒審四
時以別息異出入以兩易明養生以解固審取與以總
之一會諸侯令曰非玄帝之命毋有一日之師役再會
諸侯令曰養孤老食常疾收孤寡三會諸侯令曰田租
百取五市賦百取二關賦百取一毋乏耕織之器四會
諸侯令曰修道路偕度量一稱數藪澤以時禁發之
五會諸侯令曰修春夏秋冬夏之常祭食天壤山川之

故祀必以時六會諸侯令曰以爾壤生物共玄官請四
輔將以禮上帝七會諸侯令曰官處四體而無禮者流
之焉莠命八會諸侯令曰立四義而無議者尚之於玄
官聽於三公九會諸侯令曰以爾封內之財物國之所
有為幣九會大命焉出常至千里之外二千里之內諸
侯三年而朝習命二年三卿使四輔一年正月朔日令
大夫來修受命三公二千里之外三千里之內諸侯五
年而會至習命三年名卿請事二年大夫通吉凶七年

重適入正禮義五年大夫請受變三千里之外諸侯世一至置大夫以為廷安入共受命焉此居於圖北方外

右北方本圖

旗物尚黑兵尚脅盾刑則游仰灌流察數而知治審器而識勝明謀而適勝通德而天下定定宗廟育男女官四分則可以立威行德制法儀出號令至善之為兵也非地是求也罰人是君也立義而加之以勝至威而實

之以德守之而後修勝心焚海內民之所利立之所害
除之則民人從立為六千里之侯則大人從使國君得
其治則人君從會請命於天地知氣和則生物從計緩
急之事則危危而無難明於器械之利則涉難而不變
察於先後之理則兵出而不困通於出入之度則深入
而不危審於動靜之務則功得而無害著於取與之
分則得地而不執慎於號令之官則舉事而有功此居
於圖北方方外

右北方副圖

五輔第十

謂六興七體八經五務三度此五者可以輔弼國政也

外言一

古之聖王所以取明名廣譽厚功大業顯於天下不忘

於後世非得人者未之嘗聞

不得於人而能使名譽顯當時功業流後世者則未

嘗聞暴王之所以失國家危社稷覆宗廟滅於天下非失

人者未之嘗聞

不失於人而能使失國覆宗者亦未嘗聞

今有土之君皆處

欲安動欲威戰欲勝守欲固大者欲王天下小者欲霸

諸侯

言諸侯欲大利則王天下欲小利則霸諸侯也

而不務得人是以小者兵

挫而地削大者身死而國亡

既不務得人故必致禍小則地削大則國亡

故

曰人不可不務也

當務得之於人

此天下之極也曰然則得人

之道莫如利之之道莫如教之以政故善為政者

田疇墾而國邑實朝廷閒而官府治公法行而私曲止

倉廩實而囹圄空賢人進而姦民退其君子上中正而

下諂諛其士民貴武勇而賤得利

賤苟得之利也

其庶人好耕

農而惡飲食

惡費用之飲食

於是財用足

好耕農故財用足

而飲食薪

菜饒

省費用則薪菜饒○績按惡飲食故飲食薪菜饒

是故上必寬裕而有解

舍

○解放也舍免也○績按舍同釋

下必聽從而疾怨上下和同而有

禮義故處安而動威戰勝而守固是以一戰而正諸侯

不能為政者田疇荒而國邑虛朝廷兇

小人競進故兇

而官府

亂

小人用法故亂

公法廢而私曲行倉廩虛而囹圄實賢人退

而姦民進其君子上諂諛而下中正其士民貴得利而

賤武勇其庶人好飲食而惡耕農於是財用匱而飲食

菜薪乏上彌殘苟

居上位者小人故殘賊苟且也○績按當作殘苟乃字之誤也

而無

解舍下愈覆鷲而不聽從

覆察也鷲疑也上既殘苟而不舍故下伺察而懷疑

上下交引而不和同

上引下以供御下引上以恩覆二俱不得故不和同也

故處

不安而動不威戰不勝而守不固是以小者兵挫而地削

大者身死而國亡故以此觀之則政不可不慎也德有

六興義有七體禮有八經法有五務權有三度所謂六

興者何曰辟田疇利壇宅

壇堂基

修樹藝勸士民勉稼穡

修牆屋此謂厚其生

上六者可以養厚其生也

發伏利

利人之事積久隱伏者發而用

之輸滯積

滯貯積也

修道途便闕市

謂所置闕市皆令要便也

慎將宿

將送

貨財必慎止宿此謂輸之以財上五者皆生財之術故曰輸財所以納財於民道水潦

利陂溝決潘渚

潘溢也渚潘溢者疏決之令通潘音翻

潰泥滯

泥塗為滯者亦潰決

之令通也

鬱閉

鬱閉亦謂川潰有遏塞者

慎津梁此謂遺之以利

上之六者

所謂遺利於民

薄徵歛輕征賦弛刑罰赦罪戾宥小過此謂寬

其政

上之五者所以寬裕其政

養長老慈幼孤恤鰥寡問疾病弔禍

喪此謂匡其急

上之五者所以救民之急

衣凍寒食饑渴匡貧窶

賑罷露

疾憊裸露者有以賑救之

資乏絕此謂賑其窮

上之五者所以賑民

之窮

凡此六者德之興也六者既布則民之所欲無不

得矣夫民必得其欲然後聽上聽上然後政可善為也
故曰德不可不興也

曰民知德矣而未知義然後明行以導之義

行即義有七義

七體七體者何曰孝悌慈惠以養親戚恭敬忠信以事

君上中正比宜以行禮節

比合也行既中正而又合宜也

齊整撙詘以

辟刑僇

撙節也言自節而卑屈也

織嗇省用以備饑饉

織細也嗇怯也既細又怯

故財用省也

敦懞純固以備禍亂

懞厚也

和協輯睦以備寇戎

凡此七者義之體也夫民必知義然後中正中正然後

和調和調乃能處安處安然後動威動威乃可以戰勝而牢固故曰義不可不行也

曰民知義矣而未知禮然後飾八經以導之禮所謂八經者何曰上下有義貴賤有分長幼有等貧富有度凡此八者禮之經也故上下無義則亂貴賤無分則爭長幼無等則倍倍乖戾也貧富無度則失失其節制上下亂貴賤爭

長幼倍貧富失而國不亂者未之嘗聞也是故聖王飾此八禮以導其民八者各得其義則為人君者中正而

無私為人臣者忠信而不黨為人父者慈惠以教為人

子者孝悌以肅為人兄者寬裕以誨為人弟者比順以

敬

比和也

為人夫者敦懔以固為人妻者勸勉以貞夫然

則下不倍上臣不弑君賤不踰貴少不陵長遠不間親

新不間舊小不加大淫不破義凡此八者禮之經也夫

人必知禮然後恭敬恭敬然後尊讓尊讓然後少長貴賤

不相踰越少長貴賤不相踰越故亂不生而患不作故

曰禮不可不謹也

曰民知禮矣而未知務然後布法以任力任力有五務

五務者何曰君擇臣而任官大夫任官辦事

辨明也能明所任之

事也官長任事守職士修身功材

材謂藝能士既修身必以藝能有功也

庶

人耕農樹藝君擇臣而任官則事不煩亂大夫任官辦

事則舉措時官長任事守職則動作和士修身功材則賢

良發庶人耕農樹藝則財用足故曰凡此五者力之

務也夫民必知務然後心一心一然後意專心一而意

專然後功足觀也故曰力不可不務也

曰民知務矣而未知權然後考三度以動之所謂三度者何曰上度之天祥下度之地宜中度之人順此所謂三度故曰天時不祥則有水旱地道不宜則有饑饉人道不順則有禍亂此三者之來也政召之曰審時以舉事時則天祥地宜人順之時也得其時則事可成以事動民事成則民可動以民動國民昌則國可動以國動天下國強則天下可動也天下動然後功名可成也故民必知權然後舉錯得權謂能知三度舉錯得則民和輯民和輯則功名立矣故曰權不可不度也

故曰五經既布然後逐女民詰詐偽屏諛慝而毋聽淫
辭毋作淫巧若民有淫行邪性樹為淫辭作為淫巧以
上謫君上而下惑百姓移國動衆以害民務者其刑死
流大罪死故曰凡人君之所以內失百姓外失諸侯兵
挫而地削名卑而國虧社稷滅覆身體危殆非生於淫
謫者未之嘗聞也何以知其然也曰淫聲謫耳淫觀謫
目耳目之所好謫心心之所好傷民民傷而身不危者
未之嘗聞也曰實墮虛墾田疇修牆屋則國家富節

飲食搏衣服則財用足舉賢良務功勞布德惠則賢人進逐奸人詰詐偽去讒慝則奸人止修饑饉救災害賑

罷露則國家定明王之務在於強本事去無用然後民

可使富

本事謂農工也無用謂未作也

論賢人用有能而民可使治薄

稅歛毋苟於民

謂無苟取於民

待以忠愛而民可使親三者

霸王之事也事有本而仁義其要也今工以巧矣而民不

足於備用者其悅在玩好

君悅玩好則民務未作故備用不足

農以勞矣

而天下饑者其悅在珍怪方丈陳於前

方丈陳前則役用廣故農勞而不免

饌

女以巧矣而天下寒者其悅在文繡

君悅文繡則女工傷故天下寒

是故博帶梨

梨博帶以就狹也梨割也

大袂列

列大袂以從小

文繡染

染文繡為

絕刻鏤削

削刻鏤為純素

雕琢采

采雕琢為純漫

闕幾而不征

幾察也但使察

非常而不征賦也

市廛而不稅


廛市中置物處但藉知其數不稅歛

古之良工不

勞其知巧以為玩好是故無用之物守法者不失

或為無用

物守法者必得而誅之不使漏失也



管子補注卷三